

Program iktibar remaja

Mengelakkan anak-anak menghantar ibu bapa ke rumah orang tua apabila sudah dewasa

MEMBERI kesedaran terutama kepada golongan remaja terhadap



Peristiwa

tanggungjawab anak kepada ibu bapa, Jabatan Junior Mubaligh kelolaan Persatuan Mubaligh Islam Negeri Sembilan menganjurkan program 'We Are Here For You', baru-baru ini.

Program sehari itu diadakan di Rumah Orang Tua Seri Kenangan, Temiang, Negeri Sembilan bagi membolehkan peserta bergaul dan menyelami perasaan warga emas dengan lebih dekat.

Pengarah program, Harun Mohd. Hanif berkata, selain dapat berkenalan dengan warga tua, program itu juga bagi memupuk semangat ukhuwah antara peserta di samping menjalinkan hubungan silaturrahim antara remaja dengan warga rumah Seri Kenanga.

"Kita berharap menerusi program kunjungan mesra pihak Junior Mubaligh ini dapat memberi pendedahan kepada peserta mengenai tanggungjawab sebagai seorang anak kepada ibu bapa mereka apabila dewasa.

"Ini bagi mengelakkan anak-anak tersebut daripada mengabaikan tanggungjawab mereka kepada ibu bapa apabila sudah dewasa dan

dengan mudah menghantar ke rumah orang tua-tua bagi melepaskan tanggungjawab tersebut," katanya.

Beliau berkata, antara program yang diadakan termasuk sesi ramah mesra dan perkongsian bersama warga Rumah Seri Kenanga, sesi *ice breaking* dan forum bertajuk, 'Integrasi Kaum' dan 'Pengenalan Agama'.

Forum disampaikan oleh penceramah berpengalaman dalam bidang masing-masing iaitu Pengarah Bahagian Dakwah, Jabatan Kemajuan Islam Malaysia (Jakim), Hashim Junaidi; pensyarah Universiti Putra Malaysia, Ng Kuan Beng, dan Pengarah Jab Sukarelawan Persatuan Mubaligh Islam Negeri Sembilan, Nursafia Bobby Abdullah.

Harun berkata, diharap program tersebut memberikan pengajaran kepada peserta sekali gus mengelakkan berlaku kes sam berulang dalam kalangan remaja.



PESERTA mengadakan aktiviti bersama warga emas untuk sama menyelami perasaan mereka.